

gen/vnnd anderen gebrechen der ohren. Wi-  
der so mans inn öl siede/ stillen sie den weh-  
tagen der zån/so man das öl in das obr auff  
der gesunden seyten tropffen/ lasset. Plin-  
us/ der dem Dioscoridi inn allem gleich hat  
wollen sein/ der vermeldet/ das etliche ge-  
schriben haben/ wann man die würm inn  
Wein einnemme/ so zermahlen sie den stain  
inn der blatter. Welches auch Serapion  
gleichfals bestetigt. Gleichwol wir bey  
Galeno finden werden/ sonderlich inn dem  
büch/ welches er dem Pisoni von dem The-  
riac zugeschriben hat/ das er meldet/ das die  
würm inn meht eingenommen/ alsbald die  
Geelsucht vertreyben/ zeigt aber nit an wie.  
Dieweil aber die Practicanten gesehen ha-  
ben/ das es minder schewlich ist das pulser  
zunieffen/ dann zutrincken/ so haben sie das  
selbig allein gebraucht.

#### Von den Wangen.

Ist auch etwas auff der Welt das vbler  
stinke dann ein wanz: welche zuuertrey-  
ben man vil Tausent künsten erdacht hat/  
nicht desto weniger ist man bisweil jhrer so  
nottürff:

nottürffig / das man fro ist / so mans be-  
kommen kan. Dañ wann mans mit einem  
starcken essig trinckt / ziehen sie die eglen auß  
dem halß heraus.

Von alten Schühen.

Man sagt im gemainen sprichwort / Ich  
halt eben so vil von ihm / als von alten schü-  
hen / als wolt einer damit andeuten / das sie  
zu nichten nutz / od dienstlich weren. Wann  
aber ein solcher wisset / was grosse Tu-  
gende sie haben / er werde ihm innsonders  
hait befohlen lassen sein. Dann so mans  
zu pulfer brennet / heylendte sie allerley schrinn-  
den / vñnd blau flecken / oder vnder gelaufs-  
fen blüt der Solen / auß einer verboignen  
eigenschafft / gleich wie wir sehen / wann  
ains ein Scorpion gestochen hat / dann so  
bald man denselben zerknischt / vñnd ober  
den giffrigen stich legt / so geneusst er zu  
hand. Welches alsdann statt hat / wie  
der ort / Wie Galenus sagt / noch nicht ent-  
zündt ist. Disem zu fürkommen / müß  
man gemeltes pulfer mit Rosendöl anma-  
chen. Man destilliert auch auß obgemelten  
schühen